

**Bosna i Hercegovina  
Federacija Bosne i Hercegovine  
Tuzlanski kanton**



**GRAD TUZLA**  
**Služba za kulturu, sport, mlade  
i socijalnu zaštitu**  
Broj: 17-11-14393-2022  
Tuzla, 26.08.2022. godine

Na osnovu člana 4. Pravilnika o načinu raspodjele finansijskih sredstava iz Budžeta Grada Tuzle medijskim subjektima („Službeni glasnik Grada Tuzla“, broj: 5/20), Programa utroška sredstava iz Budžeta Grada Tuzle za 2022. godinu sa pozicije „Grantovi za medije, broj: 17-335/22 od 29.7.2022. godine i dopune Programa utroška sredstava iz Budžeta Grada Tuzle za 2022. godinu sa pozicije „Grantovi za medije, broj: 17-370/22 od 25.08.2022. godine, Služba za kulturu, sport, mlade i socijalnu zaštitu, dana 26.8.2022. godine, objavljuje:

**JAVNI POZIV**  
**za dodjelu finansijskih sredstava iz Budžeta Grada Tuzle za 2022. godinu**  
**sa pozicije „Grantovi za medije“**

**I - Predmet Javnog poziva**

Predmet Javnog poziva je dodjela sredstava iz Budžeta Grada Tuzle za 2022. godinu medijskim subjektima sa područja grada Tuzle koji obavljaju medijsku djelatnost odnosno proizvode i distribuiraju program putem različitih tehnoloških platformi – štampe, radija, televizije i interneta. U Budžetu Grada Tuzle za 2022. godinu, na poziciji „Grantovi za medije“ obezbjeđena su finansijska sredstva u iznosu od 60.000,00 KM namjenjena za podršku medijskim subjektima s područja grada Tuzle.

**II - Pravo učešća**

Pravo na dodjelu finansijskih sredstava imaju poslovni subjekti registrovani kao pravna ili fizička lica koji obavljaju medijsku djelatnost odnosno proizvode i distribuiraju program putem različitih tehnoloških platformi – štampe, radija, televizije i interneta (u daljem tekstu: aplikanti), a koji ispunjavaju sljedeće uslove:

- imaju sjedište i registrovani su na području grada Tuzle,
- raspoložu kadrovskim potencijalima za informisanje građana,
- imaju izmirene zakonske obaveze po osnovu javnih prihoda.

U procesu odabira i ocjenjivanja, prednost će imati aplikanti:

- koji u planovima programskih sadržaja imaju obuhvaćeno praćenje aktivnosti, Gradskog vijeća, Gradonačelnika i gradskih službi Grada Tuzle,
- koji su u prethodnom periodu izvještavali o aktivnostima Gradskog vijeća, Gradonačelnika i gradskih službi Grada Tuzle.

**III - Način prijavljivanja**

Prijava na Javni poziv podnosi se na propisanom prijavnim obrascu koji se može preuzeti na zvaničnoj internet stranici Grada Tuzle ([grad.tuzla.ba](http://grad.tuzla.ba)).

Uz popunjen prijavni obrazac aplikanti su obavezni dostaviti:

1. Rješenje o registraciji (ovjerena fotokopija),
2. Identifikacioni broj (fotokopija),
3. Ličnu kartu lica ovlaštenog za zastupanje (fotokopija),
4. Zvaničan dokument banke o otvaranju transakcijskog računa aplikanta (fotokopija),
5. Uvjerenje o izmirenim obavezama prema javnim prihodima (original ili ovjerena fotokopija iz Porezne uprave, ne starije od 30 dana od dana objave javnog poziva),
6. Završni godišnji finansijski izvještaj za prethodnu godinu (bilans stanja i bilans uspjeha) za pravna lica ili godišnju prijavu poreza na dohodak za fizička lica (fotokopija),
7. Dokaz iz Porezne uprave o broju uposlenih ili Izjavu vlasnika medija o broju uposlenika,
8. Opisni izvještaj o realizovanim uslugama po javnom pozivu u prethodnoj godini,
9. Kraći opis medija (vrsta, način rada, programska usmjerenja i kratke biografije aktivno angažovanih novinara),
10. Relevantan dokaz o rezultatima ispitivanja uticaja medija (gledanost/slušanost/čitanost/posjećenost) u prethodnoj godini (ovaj dokaz nije eliminatoran ali je relevantan za bodovanje).

Prijave na javni poziv koje ne zadovoljavaju bilo koji od ispod navedenih kriterija neće se uzeti u razmatranje:

- nisu dostavljene u naznačenom roku,
- nisu potpune ili ne sadržavaju validnu dokumentaciju,
- aplikanti nisu opravdali namjenski utrošak sredstava dodijeljenih iz Budžeta Grada Tuzle u prethodnoj godini,
- aplikanti nisu dostavili narativni i finansijski izvještaj te dokaz o namjenskom utrošku sredstava odobrenih iz Budžeta Grada Tuzle za prethodnu godinu,
- aplikanti nisu izmirili obaveze prema javnim prihodima,
- nije u potpunosti popunjen prijavni obrazac.

#### **IV - Osnovni kriteriji odabira**

Osnovni kriteriji odabira određeni su odredbama Pravilnika o načinu raspodjele finansijskih sredstava iz Budžeta Grada Tuzle medijskim subjektima („Službeni glasnik Grada Tuzla“, broj: 5/20) Programom utroška sredstava iz Budžeta Grada Tuzle za 2022. godinu sa pozicije „Grantovi za medije, broj: 17-335/22 od 29.7.2022. godine i dopunom Programa utroška sredstava iz Budžeta Grada Tuzle za 2022. godinu sa pozicije „Grantovi za medije, broj: 17-370/22 od 25.8.2022. godine

Minimalan iznos sredstava za dodjelu po jednoj aplikaciji je 1.000,00 KM a maksimalan 15.000,00 KM. Visina sredstva za dodjelu će se određivati u skladu utvrđenim brojem bodova za aplikaciju prema sljedećem okvirnom rasponu:

<b>Broj bodova</b>	<b>Iznos sredstava za dodjelu</b>
36 - 45	1.000,00 – 3.000,00
46 – 50	3.000,00 – 5.000,00
51 – 60	5.000,00 – 10.000,00
61 – 70	10.000,00 – 15.000,00

Visina sredstava za dodjelu bit će cijenjena u svakom pojedinačnom slučaju uzimajući u obzir ukupnu vrijednost aplikacije i traženi iznos sredstava iz Budžeta Grada Tuzle.

**V - Mjesto i rok za dostavu prijave na javni poziv**

Prijave na Javni poziv sa pratećom dokumentacijom dostavljaju se u zatvorenoj koverti, preporučenom poštom ili predaju lično putem Centra za pružanje usluga građanima (šalter sala) na adresu:

**GRAD TUZLA**  
**Služba za kulturu, sport, mlade i socijalnu zaštitu**  
**Ulica ZAVNOBIH-a broj 11**  
**75000 Tuzla**

**Uz obaveznu naznaku:**

**„Javni poziv za dodjelu finansijskih sredstava iz Budžeta Grada Tuzle za 2022. godinu  
sa pozicije „Grantovi za medije“  
- Ne otvarati“**

Javni poziv ostaje otvoren 15 (petnaest) dana od dana objavljivanja, a zaključno sa 10.09.2022. godine.

Sve dodatne informacije o načinu i postupku učešća u Javnom pozivu, mogu se dobiti u Službi za kulturu, sport, mlade i socijalnu zaštitu Grada Tuzle putem telefona: 035 307 327 ili 307 317 te slanjem pitanja na e-mail adresu: [asja@tuzla.ba](mailto:asja@tuzla.ba) sa naznakom „Javni poziv za medije“.

**Služba za kulturu, sport, mlade  
i socijalnu zaštitu**